

# INUIT ATAQATIGIIT

## Inatsisartuni



24.09.2018

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

### **Naalakkersuisunut apeqquut:**

- 1. Naalakkersuisut Tugtupit-ip nunaqavissuniinnaq qallorneqarlunilu avammut niuerutigineqarsinnaanissaanik pilersaaruteqarpat?**
- 2. Naalakkersuisut nunatsinni Tugtupit-eqarfiit, soorlu Narsami Kuannersuit, nunaqavissunuinnaq inniminnerlugit qalluiffigineqarsinnaangortinneqarnissaannut taamaalillunilu avataaniit akuersissuteqarfigineqarsinnaajunnaarnissaannut pilersaaruteqarpat?**
- 3. Apeqquut 2-mut akissut naamiuppat, sooq Naalakkersuisut taamak pilersaaruteqanngillat?**
- 4. Naalakkersuisut Tugtupit-ip immikkuullarinnera aallaavigalugu avammut niuerutigineqarsinnaanissaanik immikkut ittumik pilersaarussiaqalersaarpat?**
- 5. GME-kkut Kuannersuarni aatsitassarsiulissagaluarpata, Naalakkersuisut isumannaarnikuuvaat, tugtupit-it nunaqavissunut tunniunneqarsinnaneri?**
- 6. Naalakkersuisut apeqquutigineqartunut tassangalu attuumassuteqarsinnaasunik allanik paasissutissaateqarpat?**

(Inatsisartuni ilaasortaq Mùte B. Egede, Inuit Ataqatigiit)

### **Tunggavilersuut:**

Nunaqavissut nammineerluta aatsitassanik pinnersaasiassanillu inuussutissarsiuteqarnitta siuariartortinnerani pissusissamisoortutut isigisariaqarpoq Tugtupit-ip immikkuullarilluinnartuunera aallaavigalugu niuerutigilluarnissaanut iliuuseqarnissaq. Nunarsuarmi pinnersaasiassat immikkuullarissut allat, soorlu Tanzaniami nassaassaasoq Tanzanite immikkuullarinnera allamilu nassaassaanginnera atorluarlugu akigissaartumik niuerutigineqarlualernikuuvoq. Nunatsinnilu Tugtupit taamatut periarfissarigatsigut Naalakkersuisut tassunga pilersaaruteqarnersut apeqquuteqarfigaakka.

# INUIT ATAQATIGIIT

## Inatsisartuni



Kissaatigaara apequtima ullut suliffiusut qulit qaangiutinnginneranni akineqarnissaat.